

**BLECS****Cul furlan si va ancje in Americhe**

Tropis voltis no vino sintût "Cul furlan no tu vadis di nissune bande..."? Po ben, alore cuant che lu tornarès a sintî, o podarès rispuindi cul articul di [www.weitalians.com](http://www.weitalians.com), il portâl de comunitàt taliane in Americhe. Ai 11 di Març al à recensit "Blecs, clips of Friulian" la video vuide di conversazion, par inglês e furlan, realizade di **Massimo Garlatti-Costa** par Ente Friuli nel Mondo.

**Te recension, altri che descrivi il progetto, si presente ancje la protagoniste **Jessica Purkeypyle**, di mari furlane e pari american, che e à imparât il furlan de none.**

Blecs, te version par inglês al à protagonista ancje **Daniele Fanzutto** e al è disponibil su youtube o sul sit [www.friulinelmondo.it](http://www.friulinelmondo.it).

Il progetto al caje dentri ancje la version par spagnûl-furlan e la version par taliano-furlan, tun format colaudât di 24 pontadis dulà che i 2 insegnants a judin i utents a imparâ frasis curtis par une conversazion di base.

**SCOLTADIS DI DRIUS.****Ce dûr il colomp**

Trop stajal a cueisi un colomp? "Aghe bulint, dongje tu mètis un clap. Co el clap al devente cjalcine el colomp a l'è cuèt".



**A**l jere il 2000 cuant che la Italie e à firmât la Cjarte europeane des lengthis regionâls e minoritariis. Di in chê volte e mancje la ratifiche, ma dopo cuasi 15 agns alc al torne a movisi in Parlament. O vin contatât il senatôr sudtirolês **Francesco Palermo**, professôr di dirit costituzional comparât e diretôr dal istitût sul federalism dal Eurac di Bolzan, che al è relatôr de comission Afârs costituzionali e autôr dal Dissen di leç 560.

**Ce ise cheste Cjarte europeane?**

"Un trattat internazional adotât dal Consei di Europe tal 1992 e

l'unic che al tutele lis lengthis tant che ben culturâl. Su 47 Stâts che a fasin part dal Consei, lu àn ratificât in 25. Si trate di une norme complementâr ae Convenzion quadri pe protezion des minorancis nazionali, un altri trattat european che invezit al tutele lis personis che a son part di une minorance: cheste e je stade firme e ratificade de Italie."

**Ce ale fat la Italie fin cumò?**

"Cuant che un Stât al firme un trattat european, si impegne a ratificâlu, ven a stâi a fâlu jentrâ tal so ordenament statâl. Daûr dal articul 87 de nestre Costituzion,

fin cuant che no rive la ratifiche chel document nol è leç dal nostri Stât. Fin cumò la Italie e je ferme al prin pas: al someave che tal 2012 cul Guvier Monti al fos rivât il moment bon, ma dopo si fermât di gnûf".

**Cuale ise la novitat di chescj dîs?**

"Fin cumò no si jere mai lâts cussì indevant: lis dôs commissions competentis, chê pai Afârs costituzionali e chê pai Afârs forescj dulà che relatôr al è il senatôr furlan **Pegorier**, a àn adotât il test di fonde".

**Si puelial fâ cualchi prevision pal iter?**

"Cumò al è il moment des audizioni e tra i sogjets e sarà clamade ancje la Agjenzie regionali pe lenghe furlane. Dentri dai 31 di Març al è il tiermin pe presentazion dai emendaments sul test di fonde. Po dopo a vignaran i parés dal Parlament e dopo al sarà clamât ancje il Guvier a esprimisi: chel al sarà il moment par capî cualis che a son lis intenzions concretis e il possibil destin de norme".

**Isal cualchi 'grop' particolar?**

"O pensi che a sedin doi ponts, ma secont me marginâi: la cuistion de tutele de lenghe dai Rom, previodude tal test, e la cuistion dai coscj, ma ancje cheste si pues risvoli, propit parcè che la ratifiche e pues jessi fate daûr nivei graduâi di tutele. Dome se o rivarin a fâ une analisi razionali e no emotive alore la ratifiche e sarà plui dongje".



ilfriuli@ilfriuli.it



Al torne a movisi in parlament l'iter pe ratifiche de Cjarte europeane des lengthis regionâls e minoritariis, firmade tal 2000. Il pont de situazion cul senatôr **Francesco Palermo**. » DI CHRISTIAN ROMANINI



[www.radiofantasy.it](http://www.radiofantasy.it)

UDINE | VENETO ORIENTALE  
PORDENONE

FM 90.700  
FM 95.800

SMS: 393 00 90700  
[diretta@radiofantasy.it](mailto:diretta@radiofantasy.it)  
TEL. +39 0431 30022

la radio tra la gente

GORIZIA  
TRIESTE

FM 89.100  
FM 89.100

PAULARO  
TOLMEZZO

FM 107.700  
FM 101.600